

SCRIPT OF EVENING GOJRI NEWS BULLETIN 19APRIL 2025

1700HRS

اونینگ گو جری نیوز بلیٹن مورخہ 19 اپریل 2025

یوہ آکا شوانی جموں ہے نصرت تے تارق ابرارتیں خبر سُنو۔

HEADLINES

- ۱۔ لیفٹیننٹ گورنر منوج سنہا نے جموں کشمیر کا پائیدار بابدہ تے سماجی ترقی واسطے حکمت عملی کا نظریہ گو خاکو پیش کیو۔
- ۲۔ وزیر اعلیٰ عمر عبداللہ نے کاروبار کرن مانہہ آسانی غا نظام گو جائیزو لیو تے اصلاحات ناں نافز کرن کا سلسلہ ماں نسانہ طے کیا۔
- ۳۔ جنگلات کا وزیر جاوید احمد رانا نے جموں مانہہ قبائلی آبادی کا مسلاں بارے قبائلی نمائینداں سنگ گل بات کی تے سرکار کا ان کی ترقی بارے عزم ناں دوہرایو۔
- ۴۔ جموں کشمیر گرائیں روزی مشن نانہہ مضبوط کرن کی خاطر چیف سیکرٹری کی قیادت ماں اعلیٰ سطح غی میٹنگ منعقد ہوئی انہاں نے کہی و گرائیں لوکاں نانہہ باختیار بنان بارے سرکار وعدہ بند ہے۔
- ۵۔ محکمہ موسمیات نے موسم بارے ہدایت جاری کرے جموں کشمیر ماں کل توڑی بارش برف باری تے تیز ہوا غی پیشن کوئی کی ہے۔

LG INTERACTION

لیفٹیننٹ گورنر منوج سنہا نے اج کہی وکہ گزشتہ ۵ براں مانہہ حکومت نے جموں کشمیر غی ہمہ جہت ترقی واسطے ایک حکمت عملی و مبنی جامع منصوبہ اپنایو ہے سرینگر مانہہ وائی پی او گلوبل ون غا اراکین تیں گل بات غے دوران انہاں نے اقتصادی ترقی پائیداری تے فلاحی اسکیمیں کا موثر نفاذ و زور دتو ایل جی سنہا نے کہی وکہ مارو مقصد تیز پائیدار تے سب نانہہ شامل کرتا وں ترقی حاصل کرنو ہے تے خطہ غی صنعتی صلاحیت تیں بھر پور فائدو چانو ہے انہاں نے مزید کہی وکہ طویل مدتی کامیابی واسطے اقتصادی ترقی تے سماجی ترقی غے درمیان توازن قائم رکھنو ضروری ہے۔

CM MEETING

وزیر اعلیٰ عمر عبداللہ نے اج سول سیکرٹریٹ مانہہ ایک علی سطحی میٹنگ غی صدارت کی جس مانہہ کاروبار مانہہ آسانی غ انظام غے تحت کماں مانہہ آسانی تے قوانین مانہہ نرمی غا ہوالہ تیں پیش رفت غو جائیزو لیو گئیو انہاں نے ایک کاروبار دوست ماہول و زور دیتا وں محکماں نانہہ ہدایت دتی کہ وہ اصلاحاتی منصوباں نانہہ ہر ۵۱ دن غو ہدف بنا غے اگے بدھائیں ایم آئی ایس پورٹل وں بروقت اپگریڈ کریں تے فوراً عمل در آمد شروع کریں میٹنگ مانہہ زمین غا استعمال مانہہ اصلاحات جدیدیت مزدوراں تیں متعلق قوانین مانہہ تبدیلی تے ایک ہی جگہ تیں منظوری غو نظام جیسا معاملات وں غور کیو گئیو۔ وزیر اعلیٰ نے ہر دو ماہ بعد اس پیش رفت غو جائیزو لین واسطے ایک نظام وی شروع کرن گو اعلان کیو اعلیٰ افسراں تے سرینگر غا افسراں نے ویڈیو کانفرنسنگ غے ذریعے میٹنگ مانہہ شرکت کی وزیر اعلیٰ نے ایک بار بھر حکومت غا عزم نانہہ دہراتا وں کہیو کہ مختلف شعبواں مانہہ قوانین و ضوابط غ و نظام نانہہ آسان تے کاروبار دوست بنایو جے۔

RANA INTERACTION

جنگلات تے قبائلی امور غا وزیر جاوید احمد رانائے اج پنچایت جموں ماٹہ کٹھوعہ سانبہ ادھمپور ریاسی تے جموں ضلعان گا قبائلی برادری گا نمائینداں سنگ تفصیلی گلبات کی۔ اس میٹنگ گو مقصد قبائلی برادری گا مسلاں جن ماں جنگلات حقوق قانون بارے خدشات چرائی گا حقوق موبائل اسکولان تے صحت خدمات بارے مسئلہ ناں سمجھنو تے ان غا حل بارے سوچ وچار کرنو تھو۔ وزیر موصوف نے کہی وجے سرکار قبائلی برادریاں گی ترقی واسطے وعدہ بند بے انہاں نے عمر عبداللہ قیادت آلی سرکار گا اس عزم ناں وی دہرایو جس ماٹہ شڈیول ٹرینیب شڈیول کاسٹ تے پچھڑیاں طبقات گی ترقی تے ان گا حقوق گا تحفظ گی یقین دہانی کرائی گئی ہے۔ اس موقعہ ور بولتا واں جنگلات تے قبائلی امور گا وزیر جاوید احمد رانا نے اس طرح کہیو۔

EARTHQUAKE

اج دوپہر تقریباً ۲۱ بج غے ۰۲ منٹ غے قریب افغانستان ماٹہ ایک بھکم آیو ریکٹر سکیل ور جس کی شدت ۵ عشاریہ ۸ تھی جموں کشمیر گا کُجھ حسان ماٹہ وی اس بھکم گا جھٹکے مہسوس کیا گیا جس سنگ لوکاں ماں خوف گی لہر پیدا بوہنی تے وے دفتران تے گھراں تیں باہر آگیا پونچھ ضلع غا کُجھ علاقان ماٹہ بھکمپ گا جھٹکے زیادہ صاف طور ور محسوس کیا گیا۔ مہارا ضلع نمائیندہ نے رپوٹ دتی ہے جے سرکاری عہدیداراں نے تصدیق کی ہے جے پونچھ یا کول کال گا علاقان ماٹہ بھکم گی وجہ نالکسے قسم گا جانی یا مالی نقصان گا کائے خبر نہیں ملی ہے۔ مقامی انتظامیہ نے یقین دوايو ہے جے حفاظتی تدبیراں تے اقدام تے بنگامی خدمات تیار رکھی گئی ہیں جنہاں ناٹہ بنگامی صورتحال ماٹہ استعمال کیو جے غو۔

DODA TOBACCO BAN

ڈوڈہ ضلع ماٹہ صحت عامہ غا تحفظ واسطے ایک بڑا قدمچاتا واں ضلع میجسٹریٹ نے تمباکو ور مبنی مصنوعات کول لپ غی فروخت تے تقسیم ور مکمل پابندی عائد کردتی ہے یاہ کاروائی بھارتی نیای سورکشا سہیتا غی دفعہ ۳۶۱ غے تھت کی گئی ہے یوہ فیصلو اُن تشویشناک رپوٹ تیں بعد لیو گیو ہے جن ماٹہ دسیو گیو تھو کہ اسکول غا بچاں ماٹہ اس مضر چیز گو استعمال تیزی تیں بدھ رہیو ہے جس غی وجہ تیں اُن غی صحت تے روایہ ور بُرو اثر پہ رہیو ہے والدین تے اسپاتزہ غیجانب تیں شکایات موصول ہون ور انتظامیہ نے فوری ایکشن لیو یہ پابندی اس گل غی عکاسی کرے کہ انتظامیہ طلبہ غی صحت غا تحفظ تے ضلع بھر ماٹہ ایک محفوظ نشہ تیں پاک تعلیمی ماحول فراہم کرن واسطے پُر عزم ہے۔

CS SHG

چیف سیکر ٹری اٹل ڈلو نے جموں کشمیر دیہی روز گار مشن ناٹہ مستحکم کرن واسطے قومی تنظیمان کوڈپزشری قومی وسائل تنظیم غربت غا انتظام واسطے تنظیم تے معاشی بہتری غی تنظیم غے نال ایک اعلیٰ سطحی اجلاس غی صدارت کی اجلاس غو مقصد تربیت ادارہ جاتی حمایت تے ایس ایچ جی غی صلاحیت بدھانو تھو۔ او ایم پی ایل آئی ایس جموں کشمیر غا بلاک ماٹہ پائلٹ پروجیکٹ اپناوے غو کوڈمبشری نے بازار تیں منسلک برینڈنگ تے کھان غا کاروبار گا نمونہ غی تجویز دتی دوئے تنظیم جدید رسائی تے مہارت غی ترقی ماٹہ مدد

فراہم کریں غی۔چیف سیکرٹری نے ان اقدامات غو خیر مقدم کرتا واں حکومت غا اس عزم غو اعادو کیو کہ جدت کاروبار تے پوری یوٹی مانہہ بابمی تعاون غے ذریعے دیہی آبادی نانہہ باختیار بناوے غی۔

HAJJ PILGRIM

جموں کشمیر تیں حج گا مقدس سفر ور جان آلا عازمین حج گی تعداد ماں تیزی نال کمی آئی ہے اس سال جموں کشمیر تیں حج ور جان آلاں غی تعداد صرف ۳ ہزار ۶ سو ۴۲ رہ گئی ہے جدکہ ۴۲۰۲ ماں جموں کشمیر غ عازمین حج گی تعداد ۷ ہزار ۸ تھی تے ۳۲۰۲ ماں یاہ تعداد ۲۱ ہزار ۹۷ تھی۔آکاشوانی گا نمائندہ نے رپوٹ دتی ہے جے جموں کشمیر غا عازمینحج گی تعداد مانہہ پچھلا ۲ براں گے دوران ۰۷ فی سد گی کمی نانہہ سبسڈی بتایا جان تیں بعد سفر گی قیمتاں مانہہ بابدو ویدیشی پروازاں گی کمی تے سعودی عرب مانہہ شدید گرمی گا خدشاں سنگ جوڑیو جاربیو ہے جموں کشمیر گا عازمین حج واسطے سرکاری کوٹو ۸ ہزار ۲ سو تھو جدکہ درخواست صرف ۸ ہزار ۱ سو ۷۴ افراد نیہی دائر کی تھی سرپرنگر تیں حج پرواز ۴ مئی ناں شروع ہونگی توقع ہے ۰۴۴ عازمینحج آلی اک اضافی پرواز نویں دلی تیں وی روانہ وے گی۔

RAJOURI CAMP

ضلع انتظامیہ راجوری نے عوامی مفاد مانہہ شاندار کوشش کرتا دراج گراں گا اچا علاقان مانہہ رہنآلا قبائلی لوکاں تے ان گا مال چوکھر گی طبی جانچ واسطے ایک طبی تے ویٹری کیمپ منعقد کیو اس موقعہ ور ہجرت کرربیا قبائلی لوکاں مانہہ مفت دوائیں تقسیم کی گئی۔ کانہ بدوش قبائلی لوگ گرمیاں مانہہ اپنا مال چوکھر سمیت ڈھوکاں مانہہ جائیں تے اپنا مال مویشی ناں سبز چرا گاہاں مانہہ چرائیں۔چیف انیمل ہزبنڈری افسر نے کہیو جے کیمپ لان گو مقصد لوکاں نانہہ صحت سہولیات تے مال مویشی گی جانچ تے ضرورتاں نال پورو کرنو تھو۔اس بارے مزید جانکاری دیتا واں مارا ضلع نمائندہ نے اس طرح کہیو۔

MET ADVISORY

محکمہ موسمیات نے جموں کشمیر گا لوکاں واسطے موسم اک تازہ ایڈوازی جاری کی ہے۔ جس ماں مغربی ہواواں گی گڑبڑی گی وجہنال کل توڑی لگاتار بارش ہرفباری گرج چنک تے تیز ہوا چلن بارے خبردار کیوگیو ہے اس سلسلہ مانہہ مال چوکھر محکمہ ادھمپور نے موسمی ہجرت کرن آلا قبائلی لوکاں نانہہ جہیرا سفر کرربیاہیں اُنہاں نانہہ مشورو دتو گیو ہے جے وے اچا علاقان مانہہ جان تیں گریز کریں تے میدانے علاقہ مانہہ ہی رُکیں نرسو علاقہ غے کول بہت سارا خانہ بدوش اس ہدایت ور عمل کرربیا ہیں۔ تاں جے خراب موسم غی وجہ نال کہتوں کہٹ جانی و مالی نقصان وے۔ اس بارے وٹری اسٹینٹ سرجن داکٹر راکیش کمار نے مزید جانکاری دیتا واں اس طرح کہیو۔

SDRF POONCH

سٹیٹ ڈیزاسٹر رسپانس فورس نے اج پونچھ گے کول بگن آلا پلست دریا تیں ادھی درجن تیں متہ پھسیہ وا مچھواراں نانہہ نچان مانہہ کامیابی حاصل کی۔ یہ مچھوارا پانی غی بدھتی سطح تے تیز دھاراں گے بشکار پھس گیا تھا۔ ایس ڈی آر ایف ٹیماں نے خاص قسم گا آلات گی مدد نال کاروائی عمل مانہہ آئی تے پھسیا وا مچھواراں ناں دریا گے کنڈے حفاظت سنگ پُجایو۔

بعد ماں حُکام نے اک عوامی ایدوازی جاری کی جس ماںہ لوکاں ناںہ دریا گا کنڈاں گے کول
پانی گی سطح بدھن گا خدشہ گے پیش نظر دریا گے کول جان تیں پرہیز کریں تے مستقبل ماں
کسے وی ہنگامی صورتحال واسطے ہوشیار ریں۔
